

FESTIVAL
FESTIBALA  HESTAU

1.08
➤ 31.08
2025

GRATUIT
A GRATIS



Bayonne*
BAIONA-PAYS BASQUE
Plurielle et si singulière

Planvienuda a Paseo

Quan la clamor de julhet hè plaça a la doçor d'aost, Baiona que cambia de ritme. La vila, enqüèra embevuda deu reclam de las hèstas, que's vira de cap ad autas vibracions : las de l'imaginari, de la creacion e deu temps arretrobat. Qu'es en aqueth tempo mei pausat que s'acasa Paseo, atau com ua bohada artistica au còr de l'estiu.

Tot an, l'esperit deu Hestau Paseo qu'espandish ua passejada artistica e culturau. Au briu de las arruas, de las plaças, deus jardins e autes endrets qui ns'agradan tant, la vila que vad empont obèrt, lòc d'encontres inesperats e de curiositats partatjadas.

Paseo, qu'es un hestau a gratis, obèrt a totas las generacions, qui hè batalar mots, imatges, gèstes e sons : literatura, arts visuaus, cinèma, musica d'ací e de lahòra, danças de tota fòrma... Ua diversitat gaujosa, com ac es Baiona, vila d'art, d'istòria e de culturas mescladas.

Que siitz d'ací o de passatge, daishatz-ve gahar per aquera virada artistica qui's tròba au canton d'ua plaça, d'un concèrt o d'un petit escart.

Fòrt bèth estiu a vos e bon Paseo !

Jean-René Etchegaray

Maire de Baiona

President de la Comunautat d'Agglomeracion País Basco

DIVÉS LO 1^{er}	THE SUPERSOUL BROTHERS	DEEP SOUL	4
DISSABTE LO 2	POTTOKA EGUNA	CONCORS NACONAU DE CAVALAS E DE PORIAS	4
DIMARS LO 5	ZORTZI	RÖCK BASCO	5
DIMÈRCS LO 6	COULEUR DO BRAZIL	CANTA BRASILIANA SUD-AMERICANA	5
DIJAUS LO 7	HARMONIE BAYONNAISE	DE LA TASCA	5
DIVÉS LO 8	HUGO OSTRO	POP	6
DIMENGE LO 10	GORKA ROBLES E YANNICK TELLECHEA	CANTA FRANCESA / BASCA / CASTELHANA	6
DILUNS LO 11	ASSEJADAS D'ISTÒRIAS	LITERATURA	7
DILUNS LO 11	TAMA ORI TAHITI	CANTAS E DANÇAS TAHICIANAS	8
DIMARS LO 12	VICTORIA GUNSETT & ABDELLAH BOUJALAL	CANTA FRANCESA	8
DIMÈRCS LO 13	WAZZA FAMILY	DANÇA	9
DIMÈRCS LO 13	BOCANA TRIO	JAZZ	10
DIJAUS LO 14	CAPTIO & SYLVIE	JAZZ	10
DIJAUS LO 14	COLLECTIU NINIKI	DANÇA	9
DIVÉS LO 15	ARNAUD SAUBIETTE	CANTA FRANCESA	10
DIVÉS LO 15	COMPANHIA ILICITE	DANÇA	9
DILUNS LO 18	TROPICAL JAZZ CLUB	JAZZ	12
DILUNS LO 18	PASSEJADAS D'ISTÒRIAS	LITERATURA	7
DIMARS LO 19	JULIE ROUAULT	POP	12
DIMÈRCS LO 20	BEKATU	CANTA BASCA	P.12
DIMÈRCS LO 20	CINÈMA A L'AIREJADA	CINÈMA	13
DIMÈRCS LO 20	WAZZA FAMILY	DANÇA	9
DIJAUS LO 21	HARMONIE BAYONNAISE	DE LA TASCA	14
DIJAUS LO 21	PASSEJADAS D'ISTÒRIAS	LITERATURA	7
DIJAUS LO 21	COLLECTIU NINIKI	DANÇA	9
DIVÉS LO 22	TENDIDO 6	ORQUESTRA DE CARRÈRA	14
DIVÉS LO 22	COMPANHIA ILICITE	DANÇA	9
DIMENGE LO 24	COLLECTIU BILAKA	DANÇA	15
DILUNS LO 25	PASSEJADAS D'ISTÒRIAS	LITERATURA	7
DILUNS LO 25	CONCÈRT DE L'ACADEMIA RAVEL	MUSICA CLASSICA	15
DIMARS LO 26	JESSIE LEE AND THE ALCHEMISTS	BLUES	16
DIMÈRCS LO 27	CONCÈRT DE L'ACADEMIA RAVEL	MUSICA CLASSICA	15
DIMÈRCS LO 27	WAZZA FAMILY	DANÇA	9
DIJAUS LO 28	HARMONIE BAYONNAISE	DE LA TASCA	18
DIJAUS LO 28	COLLECTIU NINIKI	DANÇA	9
DIVÉS LO 29	COMPANHIA ILICITE	DANÇA	9
DEU 29 AU 31	CAMPO DE FERIA		18
DIVÉS LO 29	LOS HERNANDEZ	CANTA IBERICA E FLAMENCO	19
DISSABTE LO 30	TALIA DANSE	FLAMENCO	19

**DIVÈS LO
1^{ÈR} D'AOST**
* 19H *
A GRATIS / 90 MIN.

**Concèrt
d'obertura
SUPERSOUL
BROTHERS**

PLAÇA DE LA LIBERTAT

David Noël (cant), Pierre-Antoine Dumora (guitarra), Ludovic Timoteo (baisha), Julien Suhubiette (trombone), Julien Stantau (òrgue & clavèr), Olivier Pelfigues (bateria), Claire Rousselot-Paillez (còrs)



© L. SABATHE

Portada per ua qualitat melodica de las estomagantas, que suda la soul de tot pòre suus tròç deu navèth àlbum d'aqueth grop paulin : By The Way.

Qu'es gaujós, fresc, deliciós e, mei que tot, dançader com pas jamés. Que hè pensar a Otis Redding, James Brown, Little Richard o tanben a Lee Fields. Noms qui son l'inspiracion deus Supersoul Brothers, simbèu de la navèra hornada deu R&B !

Sus l'empont, qu'es ua halha, un huec d'artifici de mau créder !
« Efficax e implacable » (Rolling Stone)
France Blues Award 2025 deu mei bon grop de l'annada.

**DISSABTE
LO 2 D'AOST**
* TANLÈU 10H *
A GRATIS /
TOT LO JORN

**POTTOKA
EGUNA**

**ESPLANADA
ROLAND-BARTHES**

Pottoka Eguna que convida petits e grans a ua jornada marcada peu famós caulet basco. La hestejada que s'aviarà de 10 òras deu matin enlà dab lo concors de porias e de cavalas porières. Autanlèu 14 òras, passejada a cavallhons, animacion equèstras e musicaus que ritmaràn lo vrespè. Taulèrs entà minjar que s'estaràn suu lòc.

En collaboracion
dab l'Associacion
Nacionau deu Pottok

**Mochicons dab
Orai Bat de
12h30 a 13h30.**



© M. PRAT

**DIMARS LO
5 D'AOST**
* 19H *
A GRATIS / 90 MIN.

**KULUNKA - AV. DEU
MANESCAU-LECLERC**

Xanti Legarto (guitarra e cant), Bixente Junca (guitarra e cant), Pierre Sangla (baisha), Thomas Saez (bateria)

ZORTZI

Zortzi qu'es l'encontre de Xanti e Bixente, dus musicians bascos, qui hèn còrrer un fòlc ròck fresc e navèth. Dab armonias vocaus ricas, emberogidas per adobaments e linhas de guitarra vesiadadas, lo duo que liga influéncias americanas dab ua escritura en lenco mairau.



© DR

**DIMÈRCS LO
6 D'AOST**
* 19H *
A GRATIS / 60 MIN.

**COULEUR
DO BRAZIL**

**QUIÒSC DEU JARDIN
RENÉ-CASSIN**

Julianna Olms (cant & guitarra), Stéphane Martens (contrabaisha)



Qu'es l'encontre de dus musicians professionals, Stéphane Martens, ahuecat de jazz e de musica latina dab Julianna Olms, brasiliana de Rio de Janeiro, fòrt coneishuda au Brasiu, cantaira e guitarrista de Bossa Nova. La fòrt bèra votz de Julianna, acompanhada dab

subtiús acòrds de guitarra e lo swing de Stéphane a la contrabaisha, lo duo Couleur do Brasil qu'interprèta las cantas mei beròjas deu repertòri bossa nova e tanben uas cantas d'America deu Sud.

**DIJAUS LO
7 D'AOST**
* 20H30 *
A GRATIS / 90 MIN.

**PLAÇA
JACQUES-PORTES**

HARMONIE BAYONNAISE

L'Harmonie Bayonnaise que's hica tostemps au ton dab las musicas de ger com de uei. Que's hè en davant, que perpausa e que's diversifica, com quauques temps a, au començar de l'annada en acompanhant lo grop ròck Sorotan Bele a la sala Lauga de Baiona. Augan, aqueths musicians que heràn bronir un còp mei los clausons de la ciutat vesiaada.

**DIVÉS LO
8 D'AOST**
* 19H *

A GRATIS / 60 MIN.

HUGO OSTRO

**PLAÇA DE LA
REPÚBLICA**

Arron lo permèr disc brac Turbulences, Hugo Ostro que s'a cercat a l'endehens, en horucant a gran pena los dobles mei pregons. Deus sons tèxtes, qui mesclan poesia e oralitat, que vaden atau 5 cantas pareishudas lo 1^{er} de març de 2024.

Daishatz-ve amiar per las sonoritats pop arrehicadas e gahatz a la volada las melodias aerianas e malenconiosas. Lavetz estacatz-ve las cintas, que va remudar !



© F. SILVERII

**DIMENGE LO
10 D'AOST**
* 19H *

A GRATIS / 60 MIN.

**GORKA
ROBLES ET
YANNICK
TELLECHEA**

PLAÇA LACARRE

Gorka Robles (cant),
Yannick Tellechea (cant e
guitarra)

Duas votz, ua guitarra e un viatge musicau enter País basco e fòlc acostic. Enter armonias en-hadantas e melodias refinadas, qu'arrevistan dab passion la canta basca, la bossa nova o los boleros sud-americans com la canta francesa. Un moment suspenut enter emocions e escapada.



© DR

Passejadas d'istòrias...

DILUNS LOS 11, 18 E 25 D'AOST
EN FRANCÉS

E DIJAUS LO 21 D'AOST
EN BASCO

18H30 * PER LA VILA...
A GRATIS / 50 MIN. / DE 5 ANS ENLÀ



© LIBREPLUME

Que'vs convida a ua passejada atipica Libreplume, associat de la Vila de Baiona entà la promocion de la literatura joenessa. Mainatges, mairs e pairs, daishatz-ve portar entà ua caminada onirica peus cantons e recantons de la vila. Viraplecs que son tanben au programa, atau com lecturas qui encantaràn petits e grans !

Inscripcion obligatòria au près de Libreplume (nombre de plaças limitat a 40) : contact@libreplume.fr
09 84 19 23 26 / 06 16 11 97 72.
Lo lòc de partença d'aquera passejada misteriosa ne serà pas balhat qu'a las personas inscrivudas.

**DILUNS LO
11 D'AOST**

*** 19H ***

A GRATIS / 75 MIN.

**TAMA ORI
TAHITI**

**PLAÇA DE LA
REPÚBLICA**

Tama Ori Tahiti que s'i hè entà amuishar e har arrajar las tradicions polinesianas dab la dança, la musica e lo viver de Tahiti. Calor, autenticitat e partatge que son los pilars de cada representacion. Perqué? Har viatjar lo public au còr de las islas, lo temps d'un spectacle de danças au son de las percussions, deu ukulele e deus cants deus musicians.



© F. NINA AIME

**DIMARS LO
12 D'AOST**

*** 19H ***

A GRATIS / 60 MIN.

**EMPONT
THE VOICE :
VICTORIA
GUNSETT E
ABDELLAH
BOUJALAL**

**CARRÈU DE L'OSTAU
DE COHUA**

Sortits de Baiona, Victoria Gunsett e Abdellah Boujalal que's son hèit arremarcar fòrt joens en participant a The Voice Kids, on lo lor talent tocava lo public au còr. Entà Paseo 2025, que perpausan un moment musicau hons e tot emocion, portat per duas votz navas e ua beròja energia partatjada. Ua pausa en-hadanta enter frescor e maturitat, de descobrir a tot hòrt !



© BUREAU213-STF1



© A. GAULON

**DEU 13 AU 29 D'AOST
TOT DIMÈRCS, DIJAUS E DIVÉS**

**Pausòtas
coregraficas**

17H30 * 18H30 * 19H30

PLAÇA DE LA LIBERTAT / A GRATIS / 10 MIN.



© DR

**DIMÈRCS LOS 13,
20 E 27 D'AOST
WAZZA FAMILY
« VOYAGE »**

Tròç de l'espectacle Voyage de la companhia Hip-Hop Wazza Family. Un còp proessa atletica, acrobatica, un còp deu costat de la coregrafia, aquera seguida de figuras acompanhada dab musica e percussions corporaus que ns'amian en ua dimension estetica dab ua portada emocionau.



© O. LANDART

**DIJAUS LOS 14,
21 E 28 D'AOST
Collectif NINIKÀ
« UDA »**

MUSICA : Estiu — Las Quate Sasons, Antonio Vivaldi
DANÇADORS : Jeanne Rousseau & Iban Garat

Nikita que'ns presenta ua òda a l'estiu entau hestau Paseo. Uda qu'es un duo de dança contemporanèa, hèit en ligam estret dab l'òbra de Vivaldi. Los còs que s'envòlan e qu'arrecaden, que s'abraçan e que's daishan, dab ua eslama que sonque l'anar de l'estiu hè viver.



© CIE ILLICITE

**DIVÉS LOS 15,
22 E 29 D'AOST
C'IE ILLICITE,
Bayonne
« APRÈS LE BAL »**

MUSICA : Arvo Pärt
DANÇADORS : Manon Pedeboscq & Fábio Lopez

Gavidada peu Fábio Lopez, ancian dançador deu Maurice Béjart Lausana e deu Malandain Ballet Biarritz, la Cie Illicite Bayonne, qui's complish augan los 10 ans, qu'es hèita de dançadors de tria, formats per escolàs màgers deu monde.

**DIMÈRCS LO
13 D'AOST**

*** 19H ***

A GRATIS / 60 MIN.

**QUIÒSC DEU JARDIN
RENÉ-CASSIN**

Clément Cazaux (piano),
Guillaume Navailles (baisha),
Loïc Bonnaud (bateria)

BOCANA TRIO

Lo trio Bocana que'vs convida
a un viatge musicau ric e
estomagant. Enter jazz, musicas
popularas e composicions navas,
lo repertòri eclectic que's desteca
dab adobaments gausós e
tèmas inspirats.

Ua relectura deu jazz obèrta a tots :
los melomans que i trobaràn referéncias subtivas, quan los
curiós descobriràn ua musica vitèca, de bon entèner e
pregondament originau.



© C. CAZAUX

**DIJAUS LO
14 D'AOST**

*** 19H ***

A GRATIS / 75 MIN.

PLAÇA JACQUES-PORTES

Sylvie Lucu (cant),
Bernard Lassalle (piano),
Patrick Lateule (contrabaisha),
Daniel Dumoulin (bateria)



© D.R.

CAPTIO + SYLVIE

Caprio qu'es un aròu
de musicians entenuts,
qui an desirat hicar en
comun la passion deu jazz
e deus estandards. Que
pensan que, au contra
d'ua musica de repertòri

de prim har dab devocion, lo jazz qu'es ua musica vitèca qui
cau tostemps arrehar. Que s'i hèn entà perpausar versions
navèras de tèmas plan coneishuts deu jazz e de la canta
francesa.

**DIVÈS LO
15 D'AOST**

*** 20H30 ***

A GRATIS / 90 MIN.

PLAÇA DE LA LIBERTAT

ARNAUD SAUBIETTE

Arnaud Saubiette qu'arrevisita
en un concèrt piano-bar,
mantrun tròç deu repertòri
de las cantas francesa e
internacionau.



© P. COURTESSEYRE



© M. PRAT

**DILUNS LO
18 D'AOST**

*** 19H ***

A GRATIS / 60 MIN.

PLAÇA DE LA REPUBLICA

Loïc Guenneguez (trompeta),
Nouhem Charliac (bateria),
Angelo Pettineo (òrgue
Hammond), Eddie Dhaini
(guitarra)

© Z. DUMONT



TROPICAL JAZZ CLUB

Lo Tropical Jazz Club
n'a pas qu'ua sonque
volontat : hicar lo public
en un ambient unic, on
se mesclan dança, calor,
còctels. Tot parièr com se lo
monde e s'arretrobarèn còp
sec carregats en ua hèsta

sus ua isla, au sococ, delà de la Cariba. Un repertòri hèit d'ua
sabrosa mesclanha de Jazz e de musica cariba.

**DIMARS LO
19 D'AOST**

*** 19H ***

A GRATIS / 75 MIN.

**JULIE
ROUAULT**

CARREAU DES HALLES

Julie Rouault (cant),
Xabi Albisur (guitarra),
Pierre Sangla (percussions),
Goog Navailles (baisha)

Entratz dens lo monde hons de Julie, cantadora e
guitarrista, qui'vs convida a descobrir las soas creacions
originaus en francés e en basco. Acompanhada sus l'èmpont
per musicians complices,
las cantas, enter pop e fòlc,
qu'explòran l'íntime dab
ua sensibilitat autan doça
com luminosa. Un moment
calorós, tot au ras, a la
crotzada de las lencos, entà
vibrar au ritme deus mots.



© F. FLOUVIER

**DIMÈRCS LO
20 D'AOST**

*** 20H ***

A GRATIS / 90 MIN.

BEKATU

**TEATRE DE LA NATURE
DE MOSSARÒLAS**



© R. RODRIGO

En abansserada deu
cinèma a l'airejada, vienetz
descobrir lo concèrt de
Bekatu, lo duo de Kamila
Zubeldia dab Augustin
Alkhat. Autors compositors
interprèts renomats, que's
son ligats en aqueth
projecte. En aumenatge a la
canta e a la cultura bascas.



DIMÈRCS LO 20 D'AOST

Cinèma a l'airejada

**« BISKARSORO »
DEU JOSU MARTINEZ**

**TEATRE DE LA NATURE DE MOSSARÒLAS / A GRATIS
20H : CONCÈRT * 21H30 : PROJECCION**

Cinc istòrias vertadèras
basadas sus testimoniatges
escrits e oraus, qui's
debanan enter 1914
e 1982, en un vilatge
imaginari. Aqueras hèitas
que ns'amuishan los
cambiaments socials
viscuts per un vilatjòt basco
au sègle XXau. L'arrajada e
lo cap d'ua lenco. E lutar tà
que susvivi.

Lo filme qu'es en lenco basca dab
sostitòls en francés.

En associacion dab l'Institut
cultural basco, en l'encastre deu
programa Ibilki, lo Carrat deus
Residents de Mossaròlas e lo Club
Léo Lagrange.





© R. JANCY

**DIJAUS LO
21 D'AOST**

*** 19H ***

A GRATIS / 90 MIN.

PLAÇA DE LA REPUBLICA

HARMONIE BAYONNAISE

L'Harmonie Bayonnaise qu'es hica tostemps au ton dab las musicas de ger com de uei. Que's hè en davant, que perpausa e que's diversifica, com quauques temps a, au començar de l'annada en accompagnant lo grop ròck Sorotan Bele a la sala Lauga de Baiona. Augan, aqueths musicians que heràn bronir un còp mei los clausons de la ciutat vesjada.

**DIVÉS LO
22 D'AOST**

*** 19H ***

A GRATIS / 50 MIN.

TENDIDO 6

**PLAÇA
JACQUES-PORTES**



© DR

Paso doble, valsa, tango, musica d'ambient. . .
Aquera formacion musicau baionesa sortida de la Peña taurina còsta Basca que s'i hè tà har dançar lo public dab melodias enairejantas.

**DIMENGE LO
24 D'AOST**

**TANLÈU 11H,
tot lo jorn**

A GRATIS

CAMINAIRA



© C. COSTA

MAKIL DANTZA TIRAT DE BEZPERAN PER BILAKA

Lo Collectiu Bilaka que presenta ua dança de barròts tirada de la darrèra creacion : *Bezperan*, lo jorn abans. La coregrafia d'aqueth espectacle qu'es escrivuda entà ueit dançadors, chifra d'aur de las danças tradicionaus bascas

qui marcan lo calendari deus rites carnavalesers. Ajudats peu Stéphane Garin, percussionista de l'Ensemble 0, lo-a-s dançador-a-s deu Collectiu Bilaka qu'an volut escriver ua vertadera particion ritmica, en hant d'aquera makil dantza ua pèça musicau en si medish.

**DILUNS
LO 25 &**

**E DIMÈRCS
LO 27 D'AOST**

*** 19H ***

A GRATIS / 60 MIN.

**LO HESTAU
PASEO
QU'ARCUELH
L'ACADEMIA
RAVEL**

**COLLEGIU
SENT-ESPERIT**

Despuish mei de 50 ans, l'Academia Ravel — uei au còr deu Hestau Ravel — que fòrma e que revèla joens artistas de tria, vienuts deu monde sancèr sus la tasca deu compositor. Au començar de carrièras internacionaus, los talents de la session de 2025 que son l'avièner de la musica classica. Que'ns vieren partatjar au Hestau Paseo tribalh e passion dab dus programas eclectics qui tornan inventar los repertòris de ger dab aviada, estrambòrd e audàcia.

Corealizacion :
Hestau Paseo /
Hestau Ravel

**Trobatz lo programa
sancèr deu
Hestau Ravel sus
festivalravel.fr**



© M. MENGALLOU



**DIMARS LO
26 D'AOST**
* 19H *
A GRATIS / 75 MIN.

CARRÈU DE L'OSTAU DE COHUA

Jessie Houllier (cant-guitarra),
Alexis Didier, (guitarra),
Laurent Cokelaere (baisha),
Stéphane Minana (bateria),
Laurian Daire (òrgue)

JESSIE LEE AND THE ALCHEMISTS

Aqueth navèth hestau, Guitardlia dedicat aus mei bons guitarristas, orquestrat peu director artistic Jean-Marie Ecay, que s'enradiga adara au País Basco. Peu permèr còp, que'u hè gai de tinglar las sheis còrdas enter lo vilatge de Burgi e la vila de Baiona on passarà lo grop Jessie Lee and the Alchemists. Que i a jorns qui'ns ploman. Jessie Lee que pareish, dab un quarteron d'alquimistas. Era, cap-alquimista. Ua preséncia sus l'empont de las impresionantas. Ua votz plea d'aqueths petits calhaus deu ròck, arrauca e ardenta com ac cau. Ua guitarra plan cavilhada, carrada, ritmica e sòlo. E lo quarteron de sidemen n'ès pas aquí tà hicà's un calhau sus la lenco !
Atau amassas, que viran lo plom deus jorns qui passan en aur musicau. Pèira filosofau o metau bramaire : l'aliatge que vad ròck, blues, pop, soul e que'u nse guaitam bèra pausa au sedaç de las avelhas d'aurpalhaires.

**DIJAUS LO
28 D'AOST**
* 20H30 *
A GRATIS / 90 MIN.

ARENAS DE BAIONA

HARMONIE BAYONNAISE

En abansdísar de la Feria de l'Atlantique, l'Harmonie Bayonnaise que'vs convida dens lo quadre majestuós de las arenas entà un concèrt de las sonoritats taurinas.



© R. ANCY

**DIVÉS LO
29 D'AOST**
* 21H *
A GRATIS / 90 MIN.

LOS HERNANDEZ

**PARC DE LAS ARENAS
Arrua Alfred-Boulant**



© F. IMAGE

Vienetz descobrir l'univèrs encantant de la musica iberica e latina dab « Uno Dos Tres ». Seguitz los ritmes emberriagants e las melodias ensorelhadas, au son de las cantas, de las guitarras e de las percussions, entà ua experiéncia musicau inolidable.

**DEU 29 AU
31 D'AOST**
* DE 10H A
MIEJANUEIT *
A GRATIS



© DR

CAMPO DE FERIA

ARENAS DE BAIONA

Peu torn de la celèbra Feria de l'Atlantique on passan en pista las vedetas màgers de la tauromaquia mondial, la Vila de Baiona qu'organiza un vilatge de gaièra andalosa hestiva e taurina : Campo de Feria. Concèrts e animacions qu'avivan tot lo jorn los entorns de las casetas gastronomicas. Au darrèr de las talanquèras, mantrun artista taurin que'ns vien amuishar las soas òbras (pintruras, esculturas. . .).

**DISSABTE LO
30 D'AOST**
* 21H30 *
A GRATIS / 60 MIN.

**PARC DE LAS ARENAS
Arrua Alfred-Boulant**

TALIA DANSE

Lo flamenco qu'es ua expression artistica vienuda de la fusion deu cant e de la dança : « cante y baile ». Quan los gitans s'acasan en Espanha au temps deu Barròc, que's hèn seguir la dança e la musica : lo flamenco. Aquò que pren un endom màger entà la dança espanhòla e que vad fòrt popular autan en Espanha com per l'estrangèr.



© DR

**LA VILA DE BAIONA
QUE MERCEJA LOS ALIATS
DEU HESTAU PASEO :**

EUSKAL KULTUR ERAKUNDEA /
INSTITUT CULTUREL BASQUE

FESTIVAL & ACADÉMIE RAVEL

ICI PAYS BASQUE